



01
2+16
PB-28
2117

Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy, Infrastructure, Physical
Planning, Construction and Environmental Protection

Broj: 05-01-04-38989-34/21
Sarajevo, 16.6.2022. godine

SKUPŠTINA KANTONA SARAJEVO

- o v d j e -

n/r Elvedin Okerić, predsjedavajući

PREDMET: Dostava odgovora na zastupničku inicijativu - zastupnik Elvis Vreto

Zastupnik u Skupštini Kantona Sarajevo Elvis Vreto, na 43. Radnoj sjednici Skupštine Kantona Sarajevo, održanoj 22.10.2021. godine, u okviru tačke Dnevnog reda "Poslanička/zastupnička pitanja, inicijative i odgovori" u skladu sa Poslovníkom Skupštine Kantona Sarajevo, uputio je zastupničku inicijativu, kako slijedi:

"Na osnovu člana 106. Poslovníka Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12), Vladi Kantona Sarajevo, tačnije resornom ministarstvu upućujem inicijativu za izgradnju novog i većeg parking prostora na Vrelu Bosne, rekonstrukciju postojećeg i planiranje sredstava u Budžetu za narednu 2022. godinu.

Образложење:

Svjedoci smo da u ljetnoj sezoni, često znaju biti velike saobraćajne gužve na Vrelu Bosne zbog problema sa parkiranjem motornih vozila, posebno u dane vikenda. Veliki broj posjetilaca želi motornim vozilom do postojećeg parking prostora a što često uzrokuje gužve i zastoje.

Obzirom na navedeno tražim od ministarstva da razmotri inicijativu, zajedno sa Javnom ustanovom i Zavodom za izgradnju KS a ukoliko istu podržava da krene ka rješavanju ovog problema uz planiranje sredstava za narednu budžetsku godinu.

Navest ću nekoliko razloga zbog kojih podnosim navedenu inicijativu sa prijedlozima budućih rješenja na razmatranje:

1. Novi parking prostor treba biti planiran i izgrađen po najnovijim tehnologijama zaštite okoliša a trebao bi se planirati što bliže raskrsnici kod skretanja prema Vrelu Bosne sa magistralne ceste. (M17)

2. Trenutni parking prostor se nalazi u nukleusu spomenika prirode Vrelo Bosne, odnosno I zoni zaštite prirode kao i u vodozaštitnoj zoni, isti je neophodno rekonstruisati i zadržati kao prostor za parkiranje minibusa i autobusa kod organizovanih posjeta Vrelu Bosne. Ovim rješenjem će se višestruko smanjiti broj vozila u ovoj zoni, te doprinjeti i boljoj zaštiti izvorišta. Rekonstrukciju izvršiti uz upotrebu najnovijih tehnologija, ugradnjom bioprečištača na postojećem parkingu sa ciljem što bolje zaštite samog izvorišta i prirode u cjelini.

3. Trenutnu pristupnu saobraćajnicu u dužini od oko 800 metara zatvoriti za saobraćaj uz omogućen prolaz autobusima kod organizovanih posjeta i za motorna vozila stanovnika tog područja.

4. Po uzoru na Bijambare, turističkim vozicem posjetiocima omogućiti i alternativni način prevoza do samog Vrela Bosne.

5. Novi parking prostor planirati i izgraditi uz prethodno rješavanje imovinsko pravnih odnosa od strane Zavoda za izgradnju a u saradnji sa Općinom Ilidža.

6. Izgradnja novog i većeg parkinga na ulazu sa magistralne ceste stvoriti će i bolje preduslove za korištenje pojasa između Vrela Bosne i Rimskog mosta, uređenjem dodatnih šetnica, novih ulaza a što će dodatno upotpuniti sadržaj za posjetioce.

7. Jedna od opcija koju treba uzeti u obzir za buduće održavanje parking prostora je i koncesija, što bi moglo dodatno doprinjeti i punjenju budžeta KS.

Tražim od Vlade KS, konkretno resornog ministarstva, Javne ustanove i Zavoda da inicijativu zajednički razmotre, u slučaju podrške da odmah pristupe implementaciji kroz planiranje sredstava, izradu idejnog rješenja i javne prezentacije."

ODGOVOR:

Vežano za podnesenu inicijativu, a u odnosu na Odgovor Kantonalne javne ustanove za zaštićena prirodna područja broj: 06-1-673-1/21 od 15.11.2021. godine (koji dostavljamo u prilogu) ukazujemo na slijedeće:

Prostornim planom Kantona Sarajevo za period od 2003. do 2023. godine ("Službene novine Kantona Sarajevo", br. 26/06, 4/11 i 22/17) definisano je da je za područja posebnih obilježja Kantona Sarajevo, uključujući i Spomenik prirode "Vrelo Bosne" ("Službene novine Kantona Sarajevo", broj 6/10-Prečišćeni tekst) potrebno izraditi Prostorni plan područja posebnog obilježja, a koji do danas nije izrađen i donesen. Prostorni plan područja posebnog obilježja je osnovni razvojno - planski dokument za zaštićeno prirodno područje, a istim se uređuje organizacija, način korištenja i zaštite prostora.

Problematika u vezi parking prostora u Spomeniku prirode "Vrelo Bosne" posebno je prepoznata u novom Planu upravljanja Spomenikom prirode "Vrelo Bosne" kojeg je donijela Vlada Kantona Sarajevo na period 2020. - 2030. godine ("Službene novine Kantona Sarajevo", broj 43/20), kao i u Planu upravljanja posjetiocima SP "Vrelo Bosne" (sa fokusom na mogućnosti davanja koncesija u segmentu održavanja i upravljanja parking prostorom), čija je izrada u toku.

Ne treba zanemariti i činjenicu da svim parking prostorima, uključujući i pomenuti parking iz inicijative (koji se nalazi u Prvoj zaštićenoj zoni Spomenika prirode "Vrelo Bosne" odnosno neposredno prije početka Velike aleje) upravlja Udruženje ratnih vojnih invalida Općine Ilidža, kojem je Općina Ilidža ustupila prostor na višegodišnje korištenje, pod uslovom da se predmetni lokalitet redovno održava i da je u urednom i čistom stanju. Prema tome, naplata parkinga nije u nadležnosti Kantonalne javne ustanove za zaštićena prirodna područja. Na ovom parkingu neophodno je urgentno ugraditi separatore ulja i masti radi spriječavanja zagađenja podzemnih vodnih resursa, a ova aktivnost je definisana u Planu upravljanja.

Inače, za parking je u pomenutom upravljačkom dokumentu definisano da je potrebno razmotriti njegovo premještanje izvan granice Prve zaštićene zone SP "Vrelo Bosne" (nukleusa) radi sprečavanja negativnih utjecaja, pa se u tom smislu predlaže izrada saobraćajnog elaborata, na osnovu kojeg se treba predložiti nova lokacija koja će biti na dovoljnoj udaljenosti od nukleusa i van vodozaštitne zone, a u skladu sa važećom prostorno - planskom dokumentacijom.

Elaboratom saobraćaja bi se trebala analizirati i mogućnost uvođenja alternativnog prijevoza - eko voza, prevashodno u Drugoj zaštićenoj zoni - Puffer, na relaciji Plandište - Vrelo Bosne, a kako je to navedeno u Planu upravljanja SP "Vrelo Bosne".



Imajući u vidu sve navedeno, te činjenicu da je većina smjernica iz zastupničke inicijative na određeni način već prepoznata i analizirana kroz Plan upravljanja SP "Vrelo Bosne", podnesena inicijativa se može u tom kontekstu prihvatiti.

U međuvremenu, Ministarstvo i Kantonalna javna ustanova za zaštićena prirodna područja, u skladu sa važećim propisima, prostorno-planskom dokumentacijom za predmetno zaštićeno prirodno područje, kao i raspoloživim budžetskim sredstvima, nastaviće raditi na iznalaženju potencijalne lokacije na kojoj bi se, nakon rješavanja svih prethodnih otvorenih pitanja mogle stvoriti pretpostavke za uspostavu novog parkinga za posjetioce Spomenika prirode "Vrelo Bosne". O poduzetim aktivnostima ćemo blagovremeno obavijestiti Skupštinu Kantona Sarajevo.

S poštovanjem,

Prilog:

- Odgovor Kantonalne javne ustanove za zaštićena prirodna područja broj: 06-1-673-1/21 od 15.11.2021. godine

Enver Had

g.maš.



Dostaviti:

- 6 Naslov
- Stručna služba Vlade, ovdje (na znanje)
- Evidencija
- a/a



KANTON SARAJEVO
Kantonalna javna ustanova
za zaštićena prirodna područja

CANTON SARAJEVO
Cantonal Public Institution
for Protected Natural Areas

Broj: 06-1-673-1/21
Sarajevo, 15.11.2021. godine

Bosna i Hercegovina
Federacija Bosne i Hercegovine
KANTON SARAJEVO
SKUPŠTINA KANTONA SARAJEVO
Ulica: Reisa Džemaludina Čauševića broj 1
71 000 Sarajevo

N/r predsjedavajućeg Skupštine Kantona

PREDMET: Odgovor po upućenoj zastupničkoj inicijativi veza /Vaš broj i datum:02-45-38989-34/21 od 26.10.2021. godine/, dostavlja se

Kantonalna javna ustanova za zaštićena prirodna područja je službenim putem zaprimila Inicijativu za izgradnju novog i većeg parking prostora na Vrelu Bosne, rekonstrukciju postojećeg i planiraje sredstava u Budžetu Kantona Sarajevo za 2022. godinu, koju je na osnovu člana 106. Poslovnika o radu Skupštine Kantona Sarajevo ("Sl. novine Kantona Sarajevo", br.25/10, 14/11,19/11, 7/12 I 26/12) podnio zastupnik u Skupštini Kantona Sarajevo Elvis Vreto.

U kontekstu gore navedenog, dostavljamo slijedeći:

O d g o v o r

Shodno članu 3. stav (1) Odluke o osnivanju Kantonalne javne ustanove za zaštićena prirodna područja ("Službene novine Kantona Sarajevo", broj 31/17), ova javna ustanova upravlja područjima Spomenika prirode "Skakavac", Zaštićenog pejzaža "Bijambare", Spomenika prirode "Vrelo Bosne", Zaštićenog pejzaža "Trebević" i Zaštićenog pejzaža "Bentbaša" u skladu sa propisima o proglašenju zaštićenih prirodnih područja, prostornim planovima područja posebnih obilježja, planovima upravljanja i drugim propisima.

U svojstvu upravitelja područja Spomenika prirode "Vrelo Bosne", Javna ustanova pozdravlja inicijativu upućenu od strane prednje navedenog zastupnika u Skupštini Kantona Sarajevo.

Javna ustanova će u narednom periodu poduzeti aktivnosti po pitanju postojećeg parking prostora koji se nalazi neposredno uz izvorište rijeke Bosne, odnosno u Prvoj zoni zaštite zaštićenog prirodnog područja, u skladu sa odredbama Zakona o proglašenju "Spomenika prirode "Vrelo Bosne" i Plana upravljanja Spomenikom prirode "Vrelo Bosne" 2020-2030 ("Sl. novine Kantona Sarajevo", broj 43/20), te raspoloživim budžetom.

Što se tiče uspostave novog parking prostora, Upravitelj područja Spomenika prirode "Vrelo Bosne" prikuplja podatke o vlasnicima zemljišnih parcela na lokalitetu preko puta Crkve u Blažuju tačnije u ulici Vrelo Bosne, što bliže raskrsnici kod skretanja sa magistralne ceste, te u narednoj godini planirat će izradu idejnog projekta- rješenja za novi parking prostor i njegovu prezentaciju u skladu raspoloživim budžetskim sredstvima.

S poštovanjem,



DIR

Asad Jele

Dostaviti:

1. Naslovu
2. Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo,
3. U spis predmeta